



Nezavisna komisija za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije  
i druge mjere koje je izrekao u krivičnom postupku Sud Bosne i Hercegovine,  
strani sudovi za djela predviđena Krivičnim zakonom Bosne i Hercegovine  
ili međunarodnim ugovorom čiji je potpisnik Bosna i Hercegovina  
ili drugi sud u skladu sa zakonom Bosne i Hercegovine

---

Broj: 05/6-50-13-27-27-3/18

Sarajevo, 5.2.2018.

## ZAPISNIK

**27. sjednice Nezavisne komisije za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije i  
druge mjere koje je izrekao u krivičnom postupku Sud Bosne i Hercegovine, strani  
sudovi za djela predviđena Krivičnim zakonom Bosne i Hercegovine ili međunarodnim  
ugovorom čija je potpisnica Bosna i Hercegovina ili drugi sud u skladu sa zakonom  
Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu, 5.2.2018., s početkom u 18 sati.

**PRISUTNI ČLANOVI NEZAVISNE KOMISIJE:** Mile Lasić, predsjednik  
Nezavisne komisije, Azra Alajbegović, prva zamjenica predsjednika, Brana Spasojević,  
druga zamjenica predsjednika, Aleksandar Faladžić i Vedad Gurda, članovi.

**OSTALI PRISUTNI:** Ivana Lovrić, koja obavlja poslove sekretara Nezavisne  
komisije.

Sjednicu je sazvaio Mile Lasić, predsjednik Nezavisne komisije. Nakon što je  
konstatirao da postoji kvorum za rad, otvorio je 27. sjednicu.

Nezavisna komisija jednoglasno je usvojila sljedeći

## **DNEVNI RED**

1. Usvajanje Zapisnika 26. sjednice Nezavisne komisije;
2. Razmatranje Prijedloga Izvještaja o radu Nezavisne komisije za 2017. godinu;
3. Odgovor na dopis Zajedničke komisije za ljudska prava Parlamentarne skupštine BiH upućen Nezavisnoj komisiji broj: 03/6-50-14-12-47/17 od 13.12.2017.godine;
4. Informacija sa sastanka sa delegacijom OSCE ODIHR-a i UN SPT-a;
5. Tekuća pitanja
  - a) Plan aktivnosti za mart 2018. godine

### **Ad.1. Usvajanje Zapisnika 26. sjednice Nezavisne komisije**

Zapisnik 26. sjednice Nezavisne komisije usvojen je jednoglasno, bez primjedbi.

### **Ad.2. Razmatranje Prijedloga izvještaja o radu Nezavisne komisije za 2017. godinu**

Nakon detaljnog razmatranja, Nezavisna komisija je jednoglasno, uz određene dopune i ispravke, usvojila Izvještaj o radu Nezavisne komisije za 2017. godinu koji će u skladu sa članom 11. stav (g) Poslovnika o radu Nezavisne komisije proslijediti Parlamentarnoj skupštini Bosne i Hercegovine na daljnje razmatranje i usvajanje.

### **Ad.3. Odgovor na dopis Zajedničke komisije za ljudska prava Parlamentarne skupštine BiH upućen Nezavisnoj komisiji broj: 03/6-50-14-12-47/17 od 13.12.2017.godine;**

U vezi s ovom tačkom dnevnog reda članovi Nezavisne komisije su jednoglasno odlučili da će ovo pitanje odgoditi za narednu sjednicu.

### **Ad.4. Informacija sa sastanka sa delegacijom OSCE ODIHR-a i UN SPT-a**

U sklopu ove tačke dnevnog reda predsjednik Nezavisne komisije Mile Lasić istakao je da su članovi Nezavisne komisije 5.2.2018. godine od 17 do 18 sati održali sastanak sa delegacijom OSCE ODIHR-a (Demokratske insitucije i ljudska prava) i Potkomiteta UN-a za

spriječavanje torture i drugih okutnih, nehumanih i ponižavajućih postupanja i kažnjavanja (SPT). Delegaciju su sačinjavali Omer Fisher, šef Odjela za ljudska prava (ODIHR), Stephanie Selg, savjetnica za prevenciju torture (ODIHR), Victor Zaharia, potpredsjednik UN SPT i Zdenka Perović, članica UN SPT. U pratnji delegacije su bili i predstavnica Misije OSCE u BiH, pravna savjernica Nina Šeremet te prevodioc. Predsjednik je naglasio da su tokom sastanka razgovarali o procesu uspostavljanja Nacionalnog preventivnog mehanizma (NPM) u BiH koji će imati mandat da vrši nezavisni monitoring mjesta lišenja slobode u Bosni i Hercegovini.

Nakon rasprave članovi Nezavisne komisije jednoglasno su donijeli

## **ZAKLJUČAK**

Nakon sastanka sa Delegacijom OSCE ODIHR-a i UN SPT-a članovi Nezavisne komisije su dogovorili da će se dopisom obratiti Misiji OSCE-a u BiH u cilju iznalaženja načina da se izvrši posjeta jednoj od evropskih zemalja a s ciljem upoznavanja rada s njihovim Nacionalnim preventivnim mehanizmom.

### **Ad.5. Tekuća pitanja**

#### **a) Plan aktivnosti za mart 2018. godine**

U okviru ove podtačke članovi Nezavisne komisije dogovorili su da se naredna sjednica Nezavisne komisije održi u drugoj polovini marta 2018.godine.

Predsjednik Nezavisne komisije Mile Lasić zaključio je sjednicu u 19 sati.

**SEKRETARKA**

**NEZAVISNE KOMISIJE**

Ivana Lovrić

**PREDSJEDNIK**

**NEZAVISNE KOMISIJE**

dr. sc. Mile Lasić